

Sier Lorenzo Bafo, fo vicesoracomito, di sier Zuan Giacomo	98. 75
Sier Beneto Bondimier, qu. sier Zuan Alvise.	125. 69
Sier Zuan Vettor Contarini, qu. sier Piero Maria, fo podestà a Loredò	128. 59
Sier Zuan Alvise Michiel, di sier Do- menego ,	111. 84
Sier Zuan Maria Memo, qu. sier Ni- colò	107. 87
Sier Zorzi Contarini, qu. sier Gasparo, qu. sier Hironimo	123. 65
Sier Zacaria Barbaro, qu. sier Vincenzo.	115. 82
† Sier Francesco Querini, qu. sier Anto- nio, <i>da san Thomà</i>	144. 51
Sier Alvise Grimani, qu. sier Zacaria	139. 56
Sier Dionise Duodo, qu. sier Stai	123. 76

*Un Provedador sora i Banchi, in luogo di sier
Lunardo Venier è intrato Avogador di
Comun.*

173

† Sier Nicolò da Mosto, fo di la Zonta, qu. sier Francesco	136. 67
Sier Filippo Trun, fo podestà a Berga- mo, qu. sier Priamo	135. 58
Sier Marco Antonio Foscarini, fo pro- vedador a le Biave, di sier Andrea.	129. 64
Sier Alvise Bembo, fo di Pregadi, qu. sier Lorenzo	96. 96

236¹⁾

Dil mexe di zugno 1531.

A dì primo. Intronò Cai di X sier Hironimo Zane, sier Pandolfo Morexini et sier Gasparo Contarini. Et in Quarantia Criminal, per il pieder di sier Piero Morexini et compagni, avogadori extraordinarii, fu preso che sier Pollo Justinian qu. sier Piero, fo soracomito, preso eri nel suo officio et posto in li Cabioni, sia ben retenuto, et questo per aver tolto di danari spetanti alla illustrissima Signoria di botini de biave tolti a inimici quando era con l'armada di domino Andrea Doria. Ave la parte:

El qual sier Pollo doveva andar a Costantinopoli con sier Piero Zen, va orator nostro de li.

Da poi disnar, iusta la parte, fo Colegio di le

Aque, et li executori, stati in mestrina, referiteno quello hanno visto zercha le aque.

In questa mattina, poi aldito assà sier Alvise Gradenigo con sier Polo Trivixan per l'abatia de San Zivran, zercha suspender il brieve dil papa, ave 3, 3, poi 2 et 4, et fu preso non suspender.

Intronò questa mattina Cai di XL nuovi sier Francesco Celssi qu. sier Stefano, sier Zuan Francesco Barbo qu. sier Faustin et sier Zuan Batista Basadona qu. sier Zuan Francesco.

A dì 2, la matina. Non fo nulla da conto, *solum* grandissimo caldo.

Da poi disnar, fo Pregadi per li frati; non fu il Serenissimo, et posto *iterum* le do parte, atento li frati stati in consulto non porzeno alcun partito. Andò le parte: non sincere, 56 di Consieri, Cai e Savii, 37 di sier Nicolò Trivixan consier e sier Gasparo Malipiero, e li tre Cai di XL novi 74. *Iterum*, 55 non sincere, 37 di Consieri e altri, 73 dil Trivixan. *Nihil captum*, et è il secondo Conseio.

In questa matina in Colegio vene il patriarcha nostro, intervenendo la cosa dil priorà di San Lazzaro et non voler obedir la bolla dil papa zercha i titoli di le chiesie, et fo aldito con li Cai di X: el qual è ostinato più duro cha mai, *unde* fo terminà con il Conseio di X e Zonta far provision.

A dì 3, la matina. Fo *lettere di Roma, di Venier et Surian oratori, di 30 dil pasato.* Di l'audientia auta dal papa di esso orator Venier *ut in litteris*, et come lui Surian toria licentia da li cardinali et dal pontifice, et partiria per Pexaro.

Da poi disnar, fo Pregadi per li frati, qual reduto, fu posto le do parte, et è il terzo Conseio. Ave: 48 non sincere et va zoso, 51 di Consieri e altri, dil Trivixan consier Cai di XL e sier Gasparo Malipiero fo 74. Et questa fu presa contra i frati.

Et licentiato il Pregadi, restò Conseio di X con la Zonta, per le cose dil patriarcha; non fu il Serenissimo. Et fo proposta la materia per sier Hironimo Zane e sier Pandolfo Morexini, cai di X, et posto certa parte di farsi obedir; a l'incontro sier Gasparo Contarini, cao di X, vol certa longola et parlò contra la parte. Et sier Luca Trun procurator, savio dil Conseio, contradise et parlò altamente. E d'acordo fo rimesso la materia tratar in uno altro Conseio.

In Quarantia Criminal, volendo li Avogadori meter che sier Zorzi Duodo di sier Vettor, qual si à presentà, incolpado aver morto per pensato sier Marco Tiepolo qu. sier Donado et, visto non è pensato,

(1) La carta 235* è bianca